

Broj: 03-04-1868-1/2024
Sarajevo, 29.11.2024. godine

PARLAMENT FEDERACIJE BOSNE I HERCEGOVINE

Predstavnički dom

gosp. Amir Purić, poslanik

gosp. Ivan Miličević, sekretar ✓

Predmet: Odgovor na poslaničko pitanje

Veza: Vaš akt broj: 05/1-02-56/24 od 21.11.2024. godine

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 03-12-2024

Org. jed.	Broj	Priloga	Vrijednost
05/1	-02-	56	/24

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam Izjašnjenje V. Broj: 262/2024 od 27.02.2024. godine, koje se odnosi na poslaničko pitanje, koje je postavio poslanik Amir Purić.

S poštovanjem,

SEKRETAR VLADE

dr. sci. Edita Kalajdžić



Prilog: kao u tekstu

Na osnovu člana 51. Poslovnika o radu Vlade Federacije Bosne i Hercegovine — Prečišćeni tekst („Službene novine Federacije BiH”, br. 6/10, 37/10, 62/10, 39/20 i 67/21), a u vezi sa članom 160. st. (1) i (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08, 26/20 i 13/24), nakon razmatranja Inicijative koju je podnio gosp. Amir Purić, poslanik u Predstavničkom domu Parlamenta Federacije Bosne i Hercegovine, a koja se odnosi na neophodnost izrade Nacrta zakona o ravnomjernom razvoju Federacije Bosne i Hercegovine i podnošenja istog u parlamentarnu proceduru u roku od šest (6) mjeseci, na prijedlog Federalnog ministarstva razvoja, poduzetništva i obrta, Vlada Federacije Bosne i Hercegovine je, na 28. sjednici, održanoj 27.02.2024. godine, utvrdila je slijedeće

IZJAŠNENJE

Vežano za inicijativu koja se odnosi na neophodnost izrade Nacrta zakona o ravnomjernom razvoju Federacije Bosne i Hercegovine i podnošenja istog u parlamentarnu proceduru u roku od šest (6) mjeseci, koju je podnio gosp. Amir Purić, poslanik u Predstavničkom domu Parlamenta Federacije Bosne i Hercegovine, a koja je dostavljena Vladi Federacije Bosne i Hercegovine aktom Predstavničkog doma Parlamenta Federacije Bosne i Hercegovine, broj: 05/1-02-56/24 od 31.01.2024. godine, u nastavku ističemo sljedeće:

Djelokrug rada Federalnog ministarstva razvoja, poduzetništva i obrta obuhvata vršenje upravnih, stručnih i drugih poslova iz nadležnosti Federacije Bosne i Hercegovine koji se odnose na: podsticanje razvoja, poduzetništva i obrta; davanje podrške za primjenu inovacija i uvođenje savremenih tehnologija u oblasti poduzetništva i obrta; povećanje udjela poduzetništva i obrta u ukupnoj privredi; organizovanje institucija za poduzetništvo i stvaranje poduzetničke infrastrukture, osposobljavanje poduzetnika i obrtnika kroz redovno i dopunsko obrazovanje i druge poslove utvrđene zakonom.

Dakle, djelokrug rada ovog ministarstva je fokusiran samo na kreiranje politika i instrumenata usmjerenih na sektor malih i srednjih preduzeća, s ciljem poboljšanja poduzetničkog okruženja, stvaranja predvidivog investicijskog ambijenta i povećanja konkurentnosti MSP-a. Ovo podrazumijeva jačanje institucionalne infrastrukture, razvoj poduzetničke infrastrukture, osiguranje povoljnijeg pristupa kapitalu za MSP, jačanje infrastrukture kvaliteta, usklađivanje obrazovnog sistema i jačanje poduzetničke kulture, smanjenje administrativnih barijera za start-up subjekte itd.

Federalno ministarstvo razvoja, poduzetništva i obrta u okviru svojih mogućnosti, kroz realizaciju godišnjeg Programa podrške razvoju male privrede, po definisanim projektima daje preferencijalni tretman subjektima male privrede koji posluju u slabije razvijenim jedinicama lokalne samouprave, prema stepenu razvijenosti jedinica lokalne samouprave s ciljem osiguranja ravnomjernijeg regionalnog razvoja. Isti pristup je i prema jedinicama lokalne samouprave za projekte podrške razvoju poduzetničke infrastrukture, gdje su oni nosioci implementacije projekata.

Regionalni razvoj je mnogo širi pojam od razvoja sektora male privrede koga pokriva ovo ministarstvo. Regionalni razvoj se odnosi na dugoročni i sveobuhvatni proces unapređenja održivog ekonomskog i društvenog razvoja regija i JLS uz uvažavanje njihovih specifičnosti.

On obuhvata finansije, energiju, industriju, poduzetništvo, prostorno planiranje i zaštitu okoliša, infrastrukturu (komunalna, ekonomska, ekološka, socijalna i dr.), razvoj poljoprivrede, turizam, obrazovanje i nauku, zdravstvo, demografski razvoj itd.

Kada je u pitanju regionalna politika, jedna od preporuka Evropske komisije je da Bosna i Hercegovina treba hitno preduzeti pripremne korake za izradu dugo očekivane cjelodržavne strategije regionalnog razvoja. Strategijom trebaju biti obuhvaćene tri glavne oblasti: decentralizacija, lokalni regionalni razvoj i regionalni razvoj unutar BiH, kako bi razvojni potencijal svih regija dobio na značaju i kako bi se smanjile regionalne i lokalne razlike u Bosni i Hercegovini.

Iz svega gore navedenog jasno da je oblast regionalnog razvoja mnogo širi i kompleksniji pojam nego što je djelokrug rada ovog ministarstva. Međutim, ukoliko se krene sa izradom jednog ovakvog zakona Federalno ministarstvo razvoja, poduzetništva i obrta svakako će, u okviru svoje nadležnosti, biti jedan od učesnika u njegovoj izradi.

Imajući u vidu naprijed navedeno, Vlada Federacije Bosne i Hercegovine cijeni navedenu inicijativu opravdanom, te zadužuje Generalni sekretarijat Vlade Federacije Bosne i Hercegovine da Inicijativu koja se odnosi na neophodnost izrade Nacrta zakona o ravnomjernom razvoju Federacije Bosne i Hercegovine i podnošenja istog u parlamentarnu proceduru u roku od šest (6) mjeseci, koju je podnio gosp. Amir Purić, poslanik u Predstavničkom domu Parlamenta Federacije Bosne i Hercegovine, na izjašnjenje, dostavi Federalnom ministarstvu finansija, Federalnom ministarstvu energije, rudarstva i industrije, Federalnom ministarstvu prostornog uređenja, Federalnom ministarstvu okoliša i turizma, Federalnom ministarstvu poljoprivrede, vodoprivrede i šumarstva, Federalnom ministarstvu obrazovanja i nauke, Federalnom ministarstvu rada i socijalne politike i Federalnom ministarstvu zdravstva. Nakon dostave prijedloga

izjašnjenja, Vlada Federacije Bosne i Hercegovine će navedena izjašnjenja uputiti poslaniku Amiru Puriću.

Također, Vlada Federacije Bosne i Hercegovine cijeni da je za izradu ovog zakonskog rješenja potrebno formirati Interresornu radnu grupu u širem sastavu.

V. broj: 262 /2024
27.02.2024. godine
Sarajevo

